



UNIVERSITÄTS-
BIBLIOTHEK
PADERBORN

Universitätsbibliothek Paderborn

Codex traditionvm Corbeiensivm

Falcke, Johann Friedrich

Lipsiae ; Gvelpherbyti, 1752

§. 128. De traditis bonis in villa Duthungun in pago Aringho.

urn:nbn:de:hbz:466:1-36114

Ab anno 826 usque 853 imperante Hludovico et de ipsa *loine* (t) quiddam hildiger habuit tradiderunt etiam in *riudium* (u) latum nomine huilec cum sua familia et possessione quam ipse ibi habet et *biuangum* (v) in *riudiana marcu* (w) tradiderunt etiam quiddam habuerunt in *liukiungum* (x) et in *liuttingesbem* (y) testes hager yuo godesman arnold marcuuard reodheri.

§. 128.

Tradidit aibert in *duthungum* (z) quiddam ibi habuit testes hager eilhard adubert redulf et alii quatuor.

§. 129.

Havenbergius in Histor. Gandersb. p. 138 seqq. genuina essent, tunc euincere possemus, nostrum *Riedacum* eundem Riddagum comitem fuisse, qui in diplomatibus illis appellatur *strenuissimus* atque *illusterrimus princeps* ac fundator monasterii Lamspringensis in episcopatu Hildesheimensi. Quemadmodum vero multa in eisdem diplomatis reperiuntur, quæ falsitatis macula et sublesta fide laborant, ita persistimus in eadem sententia, quam supra §. 104. adtulimus, *Riedacum* nostrum ad Widekindam stirpem pertinuisse. Vnde emendandam esse sententiam eorum putamus, qui Riedagum cœnobii Lamspringensis fundatorem cum beato *Lauensteinio* aliisque adpellant *Comitem Winciburgicum*. Testimonia enim scriptorum coætanæ, quæ omnem rem hic stabilire debent, omnino defunt eis, qui sic sentiunt. Stat tamen sententia, Riedagum fuisse in Comitatu Fleithun pagi virum illustrem ac Comitem, atque Lammespringensis monasterii conditorem.

De flumine Loine. (t) *Loine* est fluuius Leine, de quo vid. supra §. 33. not. (u), Loine, Linne, Lone, Lune, adpellationem traxere ex flexu et anfractibus, seu ex *Lenen*.

De villa Riudium. (u) *Riudium* villa in nostro Registro posita deprehenditur in pago *Ambergo*. Designatur vtraque villa, *Grossen-Rüden* in præfectura Bilderlah episcopatus Hildesheimensis, atque *Kleinen-Rüden* in Principatus Wolferbuttelensis præfectura Sefens. Villam vtramque circiter discernit interfluens amnis Nette. De reliquo villa vtraque vnus est vicus, olim bipartitus.

(v) *Biuangus* quid sit, dixi supra §. 68. not. (L)

De Riudiana-marcu. (w) Quid *marcus* significet, iam supra §. 118. not. (X) indicauimus. Nunc vero e nobis videris querere: a quam villa *Riudiana marcus* sit appellatus? In promptu ratio est denominationis. Marcus hic a villa Rüden, quam meminimus, adpellationem traxit, in cuius pagi confiniis versus occasum initium fuit tractus Flentigau seu Fleithi. Nolim tamen peruiacaciter contendere, *marcus* vbiq; esse provincie limites. Villæ enim maiores olim suis gauise *marcis*. Id ex Traditionibus Fuldensibus passim licet colligere, *marcos* a villis fuisse denominatos. Complexus agrorum maior dictus fuit olim *biuangum*, ein *Befang*, *Umfang*, *conceptio*, *comprehensio*, *breida*, eine *Breite*.

De villa Liukiungum. (x) *Liukiungum* villa erat, testante Registro nostro MS&to, in pago *Mersbem*; qui vero vicus designatus sit, id ignorare nos, libenter fatemur. Omnes quidem ingenii mei neruos in inuestigationem huius villæ per aliquot dies intendi, sed oleum atque operam perdidit. Doctis ergo viris et præcipue Hannoveranis eandem villam relinquo expiscandam, statuerè dubitans, an vicus *Lockum*, vbi celebratissima est abbatia, definiatur.

De villa Liuttingeshem. (y) *Liuttingesbem* exstitit in pago *Guddinge*, testante Registro nostro sapissime excitato. De pago *Guddinge* vide supra §. 7. not. (n). Probabiliter reputo villam pro vico *Lubrechtisen*, inter Banteln sito et Deinsen, vicos Principatus Calenbergici. Exstat haud procul a Duien vico vicus *Lütkenholtesheim* in Principatu Wolferbuttelano. Eadem autem hæ villæ scilicet *Liukiungum* et *Liuttingesbem* me impulerunt, vt statuendum putem *Buniconem* ac *Riedacum* in stemmatis Widekindæ profapia. Nam supra indicatum fuit, stirpem Widekindam in eadem regione amplissima possedisse prædia. Quomodo autem in manus Wittikindigenarum peruenerint villæ in Riudiana marcu, id indicare non licet. Fortassis erant eadem pars hereditatis ducis Ostfalorum Aficonis seu Hessi.

De villa Duthungum. (z) *Duthungum* villa fuit sita in pago *Aringbo*, vt approbat præstantissimum nostrum *Registrum*